

Broj: 09-11-4-1238-12/26
Datum: 10.08.2026.godine

Na osnovu člana 70. stav (1) i (4), a u vezi sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24), a na preporuku Komisije za javnu nabavku, broj: 09-11-4-1238-11/26 od 03.08.2026.godine, imenovane Rješenjem broj: 09-11-4-1238-3/26 od 23.06.2026. godine, federalni ministar raseljenih osoba i izbjeglica, **donosi**

ODLUKU O PONIŠTENJU POSTUPKA JAVNE NABAVKE

I

Poništava se otvoreni postupak javne nabavke usluga – „Nabavka i ugradnja sistema video nadzora za obezbjeđenje objekata i lokacija od značaja za povratničke zajednice, radi povećanja stepena zaštite ljudi i imovine“, koji se finansira iz sredstava Budžeta Federacije Bosne i Hercegovine, razdjel 53, ekonomski kod 6142 i 6151 iz razloga što zaprimljena ponuda nije prihvatljiva u skladu sa članom 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24).

II

Ova Odluka stupa na snagu danom donošenja i objavit će se na internet stranici Ministarstva, u skladu sa članom 70. stav (6) Zakona o javnim nabavkama („Službeni glasnik BiH“, br. 39/14, 59/22 i 50/24).

Obrazloženje

Postupak javne nabavke pokrenut je Odlukom o pokretanju postupka, broj: 09-11-4-1238/26 od 09.06.2026. godine kojom je Ugovorni organ odobrio provođenje otvorenog postupka za dostavu ponuda za nabavku usluga – „Nabavka i ugradnja sistema video nadzora za obezbjeđenje objekata i lokacija od značaja za povratničke zajednice, radi povećanja stepena zaštite ljudi i imovine“.

Procijenjena vrijednost nabavke iznosila je 1.000.000,00 KM bez PDV-a, planirana Planom javnih nabavki Federalnog ministarstva raseljenih osoba i izbjeglica za 2026. godinu, dio II – Usluge, redni broj 5, JRN oznaka predmeta nabavke 32323500-8 (oprema za videonadzor).

Obavještenje o nabavci broj: 668-1-2-40-3-51/26 objavljeno je na Portalu e-Nabavke dana 15.06.2026. godine, a sažetak obavještenja objavljen je u „Službenom glasniku BiH“ – Oglasnik javne nabavke broj: 42/26. Izmjena tenderske dokumentacije broj: 09-11-4-1238-5/26 od 02.07.2026. godine, bez produženja roka za dostavu ponuda, objavljena je na Portalu e-Nabavke dana 02.07.2026. godine.

Rješenjem federalnog ministra broj: 09-11-4-1238-3/26 od 23.06.2026. godine imenovana je Komisija za javnu nabavku.

Tenderskom dokumentacijom predviđeno je zaključivanje Okvirnog sporazuma sa jednim ponuđačem na period od jedne godine, kao i provođenje e-aukcije u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 80/23).

Komisija za javnu nabavku je dana 30.07.2026. godine u 10:05 sati izvršila preuzimanje pristiglih ponuda, kojom prilikom je konstatovano da je tendersku dokumentaciju preuzelo 17 pravnih lica, izmjenu tenderske dokumentacije 12 pravnih lica, te da je blagovremeno dostavljena jedna ponuda Grupe ponuđača: „Middle Point Electronics“ d.o.o. Sarajevo, „Alpha-Security“ d.o.o. Banja Luka i „Dema & S“ d.o.o. Mostar. Zapisnik o zaprimanju i zapisnik o otvaranju ponuda dostavljeni su ponuđaču dana 30.07.2026. godine.

Komisija za javnu nabavku je dana 31.07.2026. godine izvršila pregled i ocjenu pristigle ponude, nakon čega je utvrdila da ponuda Grupe ponuđača: „Middle Point Electronics“ d.o.o. Sarajevo, „Alpha-Security“ d.o.o. Banja Luka i „Dema & S“ d.o.o. Mostar nije prihvatljiva, jer ponuđač nije dokazao ispunjavanje tehničke i profesionalne sposobnosti na način propisan tenderskom dokumentacijom.

Naime, tačkom 7.4.2. pod d) tenderske dokumentacije propisano je: *„U svrhu ispunjavanja uslova iz tačke 7.4.1. pod d), ponuđač je dužan dostaviti stručne važeće certifikate za implementaciju predviđenog rješenja za minimalno*

2 (dvije) certificirane tehničke osobe (uposlenike ili na drugi način ugovorno vezane osobe, koja će učestvovati u realizaciji projekta), izdate od strane proizvođača ponuđene opreme. Minimalno 2 (dva) od dostavljenih važećih certifikata moraju biti profesionalnog ili ekspertskeg nivoa kompetencija. Spisak minimalno 8 (osam) zaposlenih/angažovanih tehničkih osoba (isključujući certificirane) u svrhu realizacije više projekata u isto vrijeme. Sales ili presales certifikati, kao ni potvrde o online kursovima neće biti prihvaćeni."

Nadalje, tačkom 7.4.3. tenderske dokumentacije izričito je propisano da je: "Ponuđač dužan dostaviti u sastavu ponude originale ili ovjerene kopije dokumenata kojim dokazuje tehničku i profesionalnu sposobnost. U slučaju sumnje u vjerodostojnost dostavljenih dokumenata Ugovorni organ zadržava pravo da iste provjeri."

Pregledom dostavljene ponude Komisija je utvrdila da navedeni uslov iz tačke 7.4.3. tenderske dokumentacije nije ispunjen.

Naime, u odnosu na dokaz iz tačke 7.4.2. pod d) tenderske dokumentacije, ponuđač je na stranama 705. i 707. ponude dostavio dvije kopije certifikata u koji za certificirane tehničke osobe i to: Certifikat za Džano Almira izdat dana 16.04.2026. godine od strane BDM Bosnia and Herzegovina DAHUA (strana 705. ponude) i za Atović Tahira izdat dana 16.04.2026. godine od strane BDM Bosnia and Herzegovina (strana 707. ponude), koji nisu originali niti ovjerene kopije, već sadrže isključivo pečat ponuđača.

Komisija je utvrdila da pečat ponuđača stavljen na kopije dokumenata ne predstavlja ovjeru kopije od strane nadležnog organa, niti takvim dokumentima daje svojstvo originala ili ovjerene kopije u smislu zahtjeva tenderske dokumentacije. Slijedom navedenog, ponuđač nije dostavio dokaze kojima dokazuje tehničku i profesionalnu sposobnost u formi izričito propisanoj tačkom 7.4.3. tenderske dokumentacije, zbog čega nije dokazao ispunjavanje kvalifikacionih uslova propisanih tenderskom dokumentacijom.

Kako se radi o kvalifikacionim dokazima čija je forma dostavljanja bila jasno i nedvosmisleno propisana tenderskom dokumentacijom, Komisija je ocijenila da se navedeni nedostatak ne može smatrati formalnim nedostatkom koji ne utiče na sadržaj ponude, već predstavlja neispunjavanje kvalifikacionog uslova tehničke i profesionalne sposobnosti. Navedeni zahtjev u potpunosti je u skladu sa članom 48. stav (7) Zakona o javnim nabavkama („Službeni glasnik BiH“, br. 39/14, 59/22 i 50/24), kojim je propisano da je ugovorni organ, ukoliko zahtijeva jedan ili više dokumenata kojima kandidat/ponuđač dokazuje tehničku i profesionalnu sposobnost, dužan da u tenderskoj dokumentaciji jasno i precizno definiše te zahtjeve. U konkretnom slučaju, Ugovorni organ je tačkom 7.4.3. tenderske dokumentacije jasno propisao da se dokazi kojima se dokazuje tehnička i profesionalna sposobnost dostavljaju u originalu ili kao ovjerene kopije. Budući da je navedeni zahtjev bio unaprijed utvrđen, jasan, nedvosmislen i jednak za sve potencijalne ponuđače, Komisija je bila dužna izvršiti pregled i ocjenu ponude isključivo u skladu sa tako propisanim uslovima, bez mogućnosti odstupanja od zahtjeva tenderske dokumentacije. Slijedom navedenog, Komisija je utvrdila da Grupa ponuđača nije dokazala ispunjavanje kvalifikacionog uslova tehničke i profesionalne sposobnosti na način propisan tenderskom dokumentacijom, zbog čega je ponuda ocijenjena neprihvatljivom.

Cijeneći sve naprijed navedeno, Komisija za javnu nabavku izvršila je pregled i ocjenu ponude na pravilan, potpun i zakonit način, u skladu sa odredbama Zakona o javnim nabavkama („Službeni glasnik BiH“, br. 39/14, 59/22 i 50/24), podzakonskim aktima i zahtjevima tenderske dokumentacije, te je pravilno utvrdila činjenično stanje.

Uzimajući u obzir da je u predmetnom postupku zaprimljena jedna ponuda koja je ocijenjena kao neprihvatljiva, te prihvatajući preporuku Komisije za javnu nabavku, Ugovorni organ je, primjenom člana 69. stav (2) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24), donio Odluku o poništenju postupka, kako je navedeno u dispozitivu ove odluke.

Pouka o pravnom lijeku

U skladu sa članom 101. stav (1) tačka d) Zakona o javnim nabavkama („Službeni glasnik BiH“, br. 39/14, 59/22 i 50/24) protiv ove Odluke ponuđač može izjaviti žalbu u roku od 10 (deset) dana od dana prijema iste. Žalba se izjavljuje Uredu za razmatranje žalbi Bosne i Hercegovine, putem Ugovornog organa Federalnog ministarstva raseljenih osoba i izbjeglica u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

MINISTAR

Nerin Dizdar

Dostaviti:

1. Ponuđaču u postupku
2. Komisiji za javne nabavke
3. Služba za pravne, personalne i poslove javnih nabavki
4. Sektor za infrastrukturne projekte održivosti povratka
5. Arhiva